

cardinal San-Severino, qual si vol interponer in lo acordo. *Item*, scrive colouij dil papa, qual va a Roma et farà concistorio, et vol citar lui il concilio a Roma. *Item*, disfa il suo campo, e à licentià le zente, fino la vardia sua quasi, zoè quella oltra il solito. *Item*, trata acordo con l'imperador per via di l'orator yspano, è li in corte, con l'orator episcopo di Catania, è apresso esso imperador etc., *ut in litteris, secretissime*.

Et nota. In dita citation è nominadi tre oratori di l'imperador, *videlicet*: domino Antonio Cao di Vacha, padoano, domino Zuam Lodovico Faela, veronese, et domino Hironimo da Nogaruoale, vicentino, sichome di soto più difusamente scriverò; *tamen* l'imperador non si sa dove el sia, et è versso

.....  
*Dil provedador sier Pollo Capello, el cavalier, di ultimo, dal porto cesenatico*. Come è li, e tuta via zonze zente et vol se li provedi di danari, et si averà fanti quanti voremo, ma li fanti vengono, tutti sono spogliati. *Item*, il papa parte sabado, a di ultimo, per Ancona, sicome *etiam*, per letere di l'orator nostro apresso soa santità, si ave tal aviso. *Item*, ancora non era zonto alcuna barcha, ni altro navilio, per levar le zente. *Item*, il campo francese non è mosso dove era alozato, a presso a Bologna; et, si tien, aspeta risposta di Franza, di quanto habbi a far.

Nota. Il papa dete li benefizij havia il cardinal Pavia, qual havia intrada ducati XXVI milia, in questo modo, *videlicet*: el vescoa' di Pavia, val ducati 3000, al cardinal de Montibus, auditor di camera, è andà a Roma con la cancelaria; el vescova' di Bologna al cardinal Grassis, è con soa santità, val ducati zercha 4000; el vescoa' di Liom, in Spagna, al cardinal Sauli, novamente creato, val ducati 4000; l'abazia di San Saba, *extra muros Romæ*, al cardinal aginense, suo nepote e legato a Roma, ducati 3000; l'abazia di San Lorenzo, a Roma, al cardinal Arzenti, over di Concordia, val ducati 800; *item*, l'abazia di Strada, a Bologna, val ducati 700, al cardinal Grassis etc.

112 Et, compito di lezer le letere, sier Christofal Moro, electo provedador a Padoa, con pena, andò in renga et si excusoe dicendo, per le fatiche patite per il stato non si potea più operar, nè potea cavalchar, et andaria a star a Zara 6 mexi, quando non fusse preso la sua scusa etc. Or fu posto, per li consieri, di acetar la soa scusa, et, balotata do volte, non fu presa. Ave 95 de si, et 65 di no; vol i do terzi, si che, non hessendo acceptata, anderà al confin, e

cussì fu fato il scurtinio, con pena, di provedador a Padoa, in suo loco, qual è questo, e fu fato con bolletini.

*Electo provedador a Padoa, con pena, in luogo di sier Christofal Moro, à refudado.*

Sier Antonio Zustignan, el dotor, fo vice luogotenente in la Patria.

Sier Francesco Capelo, el cavalier, fo provedador zeneral, *quondam* sier Christofolo.

Sier Zacaria Dolfim, fo capetanio a Padoa, *quondam* sier Andrea.

† Sier Anzolo Trivixam, fo capetanio a Padoa, *quondam* sier Polo.

Sier Zuam Paulo Gradenigo, fo provedador zeneral in campo, *quondam* sier Justo.

Sier Piero Balbi, fo podestà a Padoa, *quondam* sier Alvixe.

Sier Domenego Malipiero, fo savio a terra ferma, *quondam* sier Francesco.

Sier Alvixe Barbaro, è provedador sopra le fortification di Padoa, *quondam* sier Zacharia, provedador.

Sier Alvixe Mocenigo, el cavalier, fo provedador zeneral, *quondam* sier Thomà.

Sier Andrea Loredam, fo luogotenente in la Patria di Friul.

Sier Domenego Dolfim, fo provedador in campo, *quondam* sier Dolfim.

Sier Alvixe Malipiero, el consier, *quondam* sier Giacomo.

Et chiamato dito sier Anzolo Trivixam dal principe, tolse, rispetto ad acceptar, al zorno sequente, over refutar.

*Di Napoli, di Lunardo Anselmi, consolo, di 17*. Zercha la venuta dil re in Sicilia, certissimo, et si aspeta il suo zonzer. *Item*, esser venute barze li per levar il signor Prospero Colona con zente d'arme; è, danno fama, per la impresa di Africha. *Item*, hanno posto imposition per il regno, per aver danari etc.

*Di Palermo, di sier Pelegrin Venier, senza nominar chi scrive, di XI mazo*. Il sumario e copia di dita letera sarà qui avanti scripta.

Fo leto una relatione di uno explorator. Prima, ch'è zonto di qua da' monti el ducha di Barbon con ... zenthilomeni di Franza, con zente, qual sono reduiti a Pavia, e poi si unirano col campo, qual è governato da missier Zuam Giacomo Triulzi; el qual campo